



史通評釋卷第十二

唐劉子玄知幾撰著

明郭孔延延年評釋

弟孔太太初校誤

孔陵陵鳥錄刊

外篇

古今正史第二 總十八條

易曰上古結繩以理後世聖人易之以書契儒者云伏犧氏始畫八卦造書契以代結繩之政由是文籍生焉又曰伏犧神農黃帝之書謂之三墳言大道也少昊顓頊高辛

唐虞之書謂之五典言常道也春秋傳載楚左史能讀三墳五典禮記曰外史掌三皇五帝之書由斯而言則墳典文義三五典策至於春秋之時猶大行於世爰及後世其書不傳惟唐虞已降可得言者然自堯而往聖賢之書其一二鬚髯存焉而後來諸子廣造奇說其語不經其書非聖故馬遷有言神農口前吾不知矣班固亦曰顓頊之事未可明也斯則墳典所記無得而稱者焉

右說三墳五典

晁公武曰古三墳書一卷張天覺言得之於北陽民家墳皆古文而傳乃隸所謂三墳者山氣形也七略隋

山墳連山
氣皆歸藏
事蹟地乾

志皆無之世以爲天覺僞撰

陳氏曰元豐中毛漸正仲奉使京西得之唐州民舍其辭詭誕不經蓋僞書也三墳之名惟見於左氏右尹子革之言蓋自孔子定書斷自唐虞以下前乎唐虞無徵不信不復采取於時固已影響不存今去二千載而其書忽出何可信也况皇謂之墳帝謂之典皆古史也不當如毛所錄其僞明甚晁公武云張商英僞撰以比李奎陰符經

馬端臨曰按夫子所定之書其亡於秦火而漢世所不復見者蓋杳不知其爲何語矣况三墳已見削於夫子

而謂其書忽出於元豐間其謬可知夾添好奇而尊信之過矣又况詳孔安國書序所言則墳典書也蓋百篇之類也八索易也蓋彖象文言之類也今所謂三墳者曰山墳氣墳形墳而以為連山歸藏坤乾之所由作而又各有所謂大象六十四卦則亦是易書而與百篇之義不類矣豈得與五典竝稱乎

桓譚新論易連山八萬言歸藏四千三百言古文尚書舊有四十五卷為十八篇古帙禮記有五十六卷古論語二十一卷古孝經一卷二十章千八百七十二字今異者四百餘字蓋嘉論之林藪文義之淵海也延按新論不及三墳而有尚書則三墳在漢業已不傳

評曰張平子說三禮禮為人防墳大防也五典五帝之常道也馬融三氣天地人之氣也五典五行也古人論墳典其說不同如此則書已久亡矣史通謂墳典所記無得而稱諒矣夫三墳之書漢唐業已不傳至宋始出焉也北史云劉炫偽造連山易連山可偽惡知三墳非偽乎

堯舜相承已見墳典周監二代各有書籍至孔子討論其議刪為尚書始自唐堯下終秦繆其言百篇而各為之序屬秦為不道坑儒禁學孔子之末孫曰孔惠壁藏其書漢

室龍興旁求儒雅聞故秦博士伏勝能傳其業詔太常使
掌故晁錯受焉時伏生年且百歲言不可曉口授其書纔
二十九篇自是傳其學者有歐陽氏大小夏侯宣帝時復
有河內女子得秦誓一篇獻之與伏生所誦合三十篇行
之於世其篇所載年月不與序相符會又與左傳國語孟
子所引秦誓不同故漢魏諸儒謂馬融鄭玄王肅也咸疑其繆古文
尚書者卽孔惠之所藏科斗之文字也魯恭王壞孔子舊
宅始得之於壁中博士孔安國以校伏生所誦增多二十
五篇更以隸古字寫之編爲四十六卷司馬屢採其事故
遷多有古說安國又受詔爲之訓傳值武帝末巫蠱事起

齊明帝詔
寫改元建
武

經籍道息不獲奏上藏諸私家劉向取校歐陽大小夏侯
三家經文脫誤甚衆至於後漢孔氏之本遂絕其有見於
經典者諸儒皆謂之逸書馬融鄭玄杜預也王肅亦注今文尚書
而大與古文孔傳相類或肅私見其本而獨秘之乎晉元
帝時豫章王內史梅賾始以孔傳奏上而缺舜典一篇乃
取肅之堯典從慎微以下分爲舜典以續之自是歐陽大
小夏侯家等學馬融鄭玄王肅諸注廢而古文孔傳獨行
列於學官永爲世範齊建武中吳興人姚方興采馬王之
義以造孔傳舜典云於大航購得詣闕以獻舉朝集議咸
以爲非梁武帝時爲博士議曰孔敘稱伏生誤合五篇蓋
文句相連所以或合舜典必有曰若稽古伏生雖

云昏耄何容由及江陵板蕩其文入北中原學者得而異是遂不見用也之隋學士劉炫遂取此一篇列諸本第故今人所習尚書舜典元出於姚氏者焉

右說尚書

評曰孔安國序云伏生以舜典合於堯典孔穎達云張霸之徒僞作舜典姚方興所得古文孔傳舜典止乃命以位二十八字自慎徽五典以下固具於伏生書也史通謂今人所習尚書舜典元出於姚似舜典一篇盡出於姚則未確也蔡仲默注甚詳當參看焉又劉炫仕隋不達官終太常博士未為學士

又曰隋經籍志云漢武帝時魯恭王壞孔子舊宅得其末孫惠所藏書字皆古文顏師古曰家語記孔勝字襄畏秦法峻急藏尚書孝經論語於夫子舊堂中而漢記尹敏傳云孔鮒所藏史通孔惠之說出隋志而孔勝孔鮒二說見文獻通考經籍考未知孰是

鄭康成序云伏生勝為秦博士至孝文時年且百歲張生歐陽生從其學而授之音聲猶有訛誤先後猶有差舛重以篆隸之殊不能無失生終後數子各論所聞以已意彌縫其闕別作章句又特撰大義因經屬指名之曰傳劉向校書得而上之凡四十一篇至康成始詮次

名疑伏勝
字子賤

爲八十三篇

儒林傳秦時伏生壁藏漢定求其書亡數十篇獨得二十九篇教於齊魯之間孝文詔太常使掌故晁錯往受之注師古曰衛宏定古文尚書序云伏生老不能正言言不可曉使其女傳言教錯齊人語多與潁川異錯所不知凡十二三略以其意屬讀而已

晉書鄭冲以古文授蘇愉愉授梁柳柳之內兄皇甫謐又從柳得之而柳又以授臧曹曹始授梅賾賾乃奏上其書而施行焉

馬融字季長東觀典校祕書嘗欲訓左氏春秋及見賈逵鄭衆注乃曰賈君精而不博鄭君博而不精旣精旣博吾何加焉但著三傳異同說

北海鄭玄字康成事馬融辭歸融喟然曰鄭生去吾道

東矣玄所注周易尚書毛詩儀禮禮記論語孝經尚書大傳中侯乾象曆又著天文七政論魯禮禘祫義六執論毛詩譜駁許慎五經異義答臨孝存周禮難凡百餘萬言

當周室微弱諸侯力爭孔子應聘不遇自衛而歸乃與魯君子左丘明觀書於太史氏因魯史記而作春秋上遵周公遺制下明將來之法自隱及哀十二公行事經成以授

有錄無書
有目錄而
無書傳也
仲舒注二
卷

弟子弟子退而異言丘明恐失其真故論本事而為傳明
夫子不以空言說經也春秋所貶當世君臣其事實皆形
於傳故隱其書而不宣所以免時難也及末世口說流形
故有公羊穀梁鄒夾之傳鄒氏無師夾氏有錄無書故不
顯於世漢興董仲舒公孫弘竝治公羊其傳習者有嚴顏
二家之學宣帝卽位聞衛太子私好穀梁乃召名儒蔡千
秋蕭望之等大議殿中因置博士平帝初立左氏逮於後
漢儒者數廷毀之會博士李封卒遂不復用逮和帝元興
十一年鄭興父子奏請重立於學官至魏晉其書漸行而
二傳亦廢今所用左氏本卽杜預所注者

右說春秋

戴宏序云子夏傳之公羊高高傳其子平平傳其子地
地傳其子敢敢傳其子壽至漢景帝時壽乃與弟子胡
母子都著以竹帛其後傳董仲舒以公羊顯于朝又四
傳至何休為經傳集詁其書遂大傳鄭玄曰公羊善於
識休之注引識為多應劭風俗通稱穀梁名赤子夏躬
子糜信則以為秦孝公同時人阮孝緒則以為名傲字
元始皆未詳也自孫卿申公至蔡千秋江翁凡五傳至
漢宣帝好之遂盛行於世

隋經籍志曰遭秦滅學口說尚存漢初有公羊穀梁鄭

氏夾氏四家竝行王莽之亂鄒氏無師夾氏有錄無書

夾音類

公孫弘菑川薛人年四十餘乃學春秋雜說蕭望之字長倩東海蘭陵人俱詳漢書本傳

儒林傳武帝尊公羊家由是大興胡毋生弟子羸公授孟卿眭孟眭孟授嚴本姓彭祖顏安樂由是有嚴顏之

學

開封鄭興字少贛少學公羊春秋晚善左氏傳通達其旨同學者皆師之子衆字仲師從父受左氏春秋明三統歷作春秋難記條例後受詔作春秋剛十九篇

贛音貢古送切

眭音雖

杜陵杜預字元凱晉當陽縣侯為春秋左氏經傳集解又參攷衆家譜第謂之釋例又作盟會圖春秋長歷備成一家之學

評曰左勝公穀子玄三長五短之說備矣當西漢盛時尊公穀而紬左何也一則左書未著二傳獨行一則當其時衛太子宣帝以人主而好穀董仲舒公孫弘以大儒而好公上有好者下有甚焉左其如公穀何其後劉歆鄭興父子奏立學官至杜預而著至于玄而申訖於今日家習其書嗟乎龍蠖有時母論人之行藏即典籍亦爾

又當春秋之世諸侯國自有史故孔子求衆家史記而得百二十國書如楚之書鄭之志魯之春秋魏之紀年此其可得言者左丘明既配經立傳又撰諸異同號曰外傳國語二十一篇斯蓋採書志等文非唯魯之史記而已楚漢之際有好事者錄自古帝王公侯卿大夫之世終乎秦襄號曰世本十五篇春秋之後七雄並爭秦并諸侯則有戰國策三十三篇漢興太中大夫陸賈紀錄時政作楚漢春秋九篇孝武之世太史公司馬談欲錯綜古今勒成一史其意未就而卒子遷乃述父遺志採左傳國語剛世本戰國策據楚漢列時事上自黃帝下訖麟趾作十二本紀十

諸名少孫
注十一卷

表八書三十世家七十列傳凡百三十篇都謂之史記協厥六經異傳整齊百家雜語藏諸名山副在京師以俟後聖君子至宣帝時遷外孫楊惲祖述其書遂宣布焉而十篇未成有錄而已張晏漢書注云十篇元成之間會稽褚先生更補其缺作武帝紀三王世家龜策日者辭多鄙陋非遷本意也晉散騎常侍巴西譙周以遷書周秦已下或采家人諸子不專據正經於是作古史考二十五篇皆憑舊典以糺其繆今則與史記並行於代焉

右說史記

張晏曰遷沒之後亡景武紀禮樂兵書漢興將相年表

歆及諸好事者若馮商衛衡楊雄史岑梁審肆仁晉馮段
肅金丹馮衍韋融蕭奮劉恂等相次撰續迄于哀平間猶
名史記至建武中司徒掾班彪以為其言鄙俗不足以踵
前史又雄歆褒美偽新誤後惑眾不當垂之後代者也於
是採其舊事旁貫異聞作後傳六十五篇其子固以父所
撰未盡一家乃起元高皇終乎王莽十有二世二百三十
年綜其行事上下通洽為漢書紀表志傳百篇其事未畢
會有上書云固私改作史記者有詔京兆牧繫悉錄家書
封上固弟超詣闕自陳明帝引見言固續父所作不敢改
易舊書帝意乃解即出固徵詣校書受詔卒業經二十餘

大家名昭
一名姬字
惠班家音
姑家者尊
長之稱如
婦之於姑
之義也其
後唐有郎
大家

漢紀全存

載至章帝建初中乃成固後坐竇氏事卒於洛陽獄書頗
散亂莫能綜理其妹曹大家博學能屬文奉詔校敘又選
高才郎馬融等十人從大家授讀其人表及天文志等猶
未克成多是待詔東觀馬續所作而古今人表不類本書
始自漢末迄乎陳世為其注解者凡二十五家至於專門
受業與五經相亞初漢獻帝以圖書文煩難省乃詔侍中
荀悅依左氏傳刪為漢紀三十篇命秘書給紙筆經五年
乃就其言簡要亦與本傳並行

右說漢書

晁氏曰前漢書一百卷後漢書武司馬班固續遷史記

三王世家日者龜策勒歛寬列傳元成之間褚先生補作武紀三王世家日者龜策傳言辭鄙陋非遷本意顏師古曰本無兵書張說非也

楊惲華陰人父敞母司馬遷女也惲始讀外祖太史公記頗爲春秋以材能稱以驕奢不悔誅

蜀志譙周字允南西充國人蜀光祿大夫降魏封陽城亭侯入晉爲散騎常侍著法訓五經論古史考隋志古史考二十五卷左傳正義譙周考古史謂炎帝與神農二人小司馬三皇本紀按古史考

評曰譙周以司馬遷史記書周秦以上或採俗語百家之言不專據正經於是作古史考二十五篇皆憑舊典糾遷謬誤司馬彪復以周爲未盡善也條古史考中凡百二十二事爲不當多據汲冢紀年之義宋蘇子由又作古史始伏犧訖秦始皇朱子稱其近理其後廬陵羅泌作路史明應城陳士元作荒史尚論古初率多謬悠善乎楊朱之言曰三皇之事若存若亡五帝之事若夢若覺三王之事或隱或顯億不識一當身之事或見或聞萬不識一目前之事或存或廢千不識一此可以論古史矣

史記所書年止漢武太初已後闕而不錄其後劉向向子

歆及諸好事者若馮商衛衡楊雄史岑梁審肆仁晉馮段
肅金丹馮衍常融蕭奮劉恂等相次撰續迄于哀平間猶
名史記至建武中司徒掾班彪以為其言鄙俗不足以踵
前史又雄歆褒美偽新誤後惑眾不當垂之後代者也於
是採其舊事旁貫異聞作後傳六十五篇其子固以父所
撰未盡一家乃起元高皇終乎王莽十有二世二百三十
年綜其行事上下通洽為漢書紀表志傳百篇其事未畢
會有上書云固私改作史記者有詔京兆收繫悉錄家書
封上固弟超詣闕自陳明帝引見言固續父所作不敢改
易舊書帝意乃解即出固徵詣校書受詔卒業經二十餘

大家名昭
一名姬字
惠班家音
姑家者尊
長之稱如
婦之於姑
之義也其
後唐有郎
大家

漢紀全存

載至章帝建初中乃成固後坐竇氏事卒於洛陽獄書頗
散亂莫能綜理其妹曹大家博學能屬文奉詔校敘又選
高才郎馬融等十人從大家授讀其人表及天文志等猶
未克成多是待詔東觀馬續所作而古今人表不類本書
始自漢末迄乎陳世為其注解者凡二十五家至於專門
受業與五經相亞初漢獻帝以國書文煩難省乃詔侍中
荀悅依左氏傳剛為漢紀三十篇命秘書給紙筆經五年
乃就其言簡要亦與本傳並行

右說漢書

晁氏曰前漢書一百卷後漢書武司馬班固續遷史記

瘕音俞即
瘕病死於
獄也

撰十二帝紀八年表十志七十列傳起高祖終王莽二
百三十九年凡八十餘萬字固既瘕死書頗散亂章帝
令其妹曾世叔妻昭就東觀緝校內八表天文志皆其
所補也唐太宗子承乾令顏師古爲之注范曄譏固飾
主闕蓋亦不然其贊多微文顧讀者弗察耳劉知幾詆
其古今人物表無益於漢史此論誠然至謂受金鬻書
固雖諂附匪人亦何至是然識者以固書皆因司馬遷
王商楊雄歆向舊文闕色之故其文章首尾皆善而中
間頗冗瑣良由商之才視數子微劣耳固之自敘稱述
者豈亦謂有所本與

評曰談書未就而卒於遷虎書未全而竟於固可謂有
子而遷下蠶室固就詔獄又何其同禍也遷書以女之
子楊惲布固書以女弟大家娥又何二氏之多賢女也
伏生之女受經中郎之女傳業今具須眉而迷古今者
恧矣

杜陵馮衍字敬通幼有奇才年九歲能誦詩至二十而
博羣書已事劉永降於光武帝然衍等不時至永以立
功得贖罪遂任用之而衍獨見黜作顯志賦以自勵

在漢中興明帝始詔班固與睢陽令陳宗長陵令尹敏司
諫從事孟冀作世祖本紀并撰功臣及新市平林公孫述

孟冀王海
作孟異尹
敏劉珍朱
穆蔡邕盧

植楊彪俱
注九卷

建武光武
改元永初
安帝改元

熹平靈帝
改元嘉平
當改熹平

黃初魏文
帝改元太
始晉武帝
改元
衆作一作
衆說

吳本作三
語十典列
傳七十

事作列傳載記二十八篇自是以來春秋世亦以煥炳而忠臣義士莫之撰勒於是又詔史官謁者僕射劉珍及諫議大夫李克雜作紀表名臣節士儒林外戚諸傳起自建武訖乎永初事業垂竟而珍等繼卒復命侍中伏無忌與諫議大夫黃景作諸王王子功臣恩澤侯表南單于西羌傳地理志至靈元年復令大中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人寔壽又與議郎延篤雜作百官表順帝功臣孫程郭願及鄭衆蔡倫等傳凡百十有四篇號曰漢記嘉平中光祿大夫馬日磾議郎

蔡邕楊彪盧植著作東觀接續紀傳之可成者而邕別作朝會車服二志後坐事徙朔方上書求還續成十志會董卓作亂西遷史臣廢棄舊文散逸在許都楊彪頗存注記至於名賢君子自本初已下闕續魏黃初中唯著先賢表故記殘缺至晉無成太始中秘書丞司馬彪始討論衆作綴其所聞起于光武終于孝獻錄世十二編年二百通綜上下旁引庶事為紀志傳凡一十三篇號曰續漢書又散騎常侍華嶠刪定東觀記為漢後書帝紀十二皇后紀二典十列傳七十譜三總九十二篇其十典竟不成而卒自斯已後作者相繼為編年者四族創紀傳者五家推其所

史通

卷十二

三

長華氏居寂而遭晉室東徙三惟一存至宋宣城太守范曄乃廣集學徒窮覽舊籍刪煩補略作後漢書凡十紀十志八十列傳合爲百篇會曄以罪被收其十志亦未成而死先是晉東陽太守袁宏抄撮漢氏後書依荀悅體著後漢紀十三篇世言漢中興史者唯范袁二家而已

右說後漢書

陳留李充字大遜延平中徵爲博士遷侍中

伏無忌傳永和元年詔無忌與議郎黃景校定中書五經諸子百家執術元嘉中桓帝詔無忌與黃景崔寔等共撰漢記又自采集古今刪著事要號曰伏侯注其書

延平殤帝
改元
永和順帝
改元

上自黃帝下盡漢質帝爲八卷

陳留邊韶字孝先官尚書令著詩頌碑銘書策凡十五篇

南陽延篤字叔堅官京兆尹著詩論銘書應訊表教令凡二十篇

崔寔字子真桓帝初除爲郎論當世便事數十條名曰政論其後拜議郎與邊韶延篤等著作東觀

漢書司徒王允欲殺伯喈太尉馬日磾馳往拯之允不可日磾退而告人曰王公其不長世乎善人國之紀也制作國之典也滅紀廢典其能久乎伯喈死獄中允尋

被害

曹壽字世叔娶班彪之女稱曹大家三輔決錄注曰齊相子穀頗隨時俗注云曹成壽之子也司徒掾察孝廉爲長垣長母爲太后師徵拜中散大夫子穀卽成之字也

永平明帝
改元

永平中班固陳宗尹敏孟異共撰世祖本紀固又撰列傳載紀二十篇而紀傳始立安帝永初永寧間劉珍馮駮張衡李尤等撰集爲漢紀於是又有名臣列士傳馬永壽中則有崔寔邊韶延篤朱穆鄧嗣伏無忌之著作熹平甲則有盧植馬日磾蔡邕韓說楊彪之補續又作

靈紀及補諸列傳四十二篇而紀傳益備唯書志缺邕以十意足之十意猶前書十志也邕上書曰光武已來唯記紀傳無續志者臣師太傅胡廣略以所有舊事與臣積累二十餘年得備著作郎建言十志皆當撰錄謹科條諸志臣欲嗣定者一當接續者四前志所無臣欲著者五律曆意第一禮意第二樂意第三郊祀意第四天文意第五車服意第六

光武紀伯升招新市平林兵與其帥王鳳陳牧西擊長聚注云新市縣屬江夏郡故城在今郢州富水縣東北平林地名在今隨州隨縣東北延按卽今承天德安二

府

公孫述字子陽扶風茂陵人王莽天鳳中爲導江卒正居臨邛自立爲蜀王都成都建武元年遂僭帝號成家後滅於漢

建武光武
改元

高唐華嶠字叔駿晉侍中惠帝元康初轉秘書監嶠以漢記煩穢慨然改作起光終獻一百九十五年爲帝紀十二皇后紀二卷十典十卷傳七十卷又三譜序傳目錄凡九十七卷易外戚傳爲皇后紀以次帝紀改志爲典名漢後書奏之時藏之祕府嶠撰十典未成子暢續之永嘉喪亂存者三十餘卷

永嘉晉懷
帝改元

順陽范曄字蔚宗宋吏部郎左遷宣城太守不得志乃刪衆家後漢書爲一家之作至於屈伸榮辱之際未嘗不致意焉後以逆誅

晁氏曰後漢書九十卷志三十卷宋范曄撰十帝紀八十列傳唐高宗令章懷太子賢與劉納言韋希元等作註初曄令謝儼撰志未成而曄伏誅儼悉蠟以覆車梁世劉昭得舊本因補註三十卷觀曄與甥姪書敘作書之意稱自古體大而思精未有如此者又謂諸序論筆勢放縱實天下奇作往往不減過秦論常以此擬班氏非但不愧之而已其自負如此然世多譏曄創爲皇后

紀及采風俗通中王喬抱朴子中左慈等詭譎事列之於傳又贊辭佻巧失史體云

陳氏曰按唐藝文志爲後漢史者有謝承薛瑩司馬彪劉義慶華嶠謝沈袁山松七家其前又有劉珍等東觀記至曄乃剛取衆書爲一家之作其自視甚不薄然頗有略取前人舊文者注中亦著其所從出至於論後有贊允自以爲傑思殆無一字虛設自今觀之幾於贅矣袁宏字彥伯自吏部郎出爲東陽郡太元初卒撰後漢紀三十卷晁氏曰宏在晉末爲一時文宗以東京史籍不倫謝承司馬彪之徒錯謬同異無所取正唯張潘紀

太元晉李
武改元

差詳因參撫記傳以損益之比諸家號爲精密評曰遷下腐刑而祖述史記者楊惲劉歆楊雄相繼誅辱固斃詔獄而綜續漢書者蔡邕范曄相將就戮韓子所云人禍天刑其說然邪固不可不慎也

魏史黃初太和中始命尚書衛紀繆襲草創紀傳累載不成又命侍中韋誕應璩秘書王沉大將軍從事中郎阮籍司徒右長史孫該司隸校尉傅玄等復共撰定其後王沉獨就其業勒成魏書四十四卷其書多爲時諱殊非實錄吳大帝之季年始命太始令丁孚郎中項峻撰吳書峻等俱非史才其文不足紀錄至少帝時更勅韋曜周昭薛瑩

黃初魏文
帝改元太
和魏明帝
改元

傳玄注八
卷

吳孫權諡
大帝

歸命侯注
十一卷

夏侯湛注
五卷

孫盛注一
卷王隱注
本卷晉書
下

梁廣華覈訪求往事相與記述竝作之中曜瑩為首當歸
命侯時廣昭先亡曜瑩徙黜史官久闕書遂無聞覈表請
曜瑩續成前史其後曜獨終其書定為五十五卷至晉受
命海內大同著作陳壽乃集三國史撰為國志凡六十五
篇夏侯湛時亦著魏書見壽所作便壞已草而罷及壽卒
梁州大中正范頽表言國志明乎得失辭多勸誠有益風
化願多採錄於是詔下河南尹就家寫其書先是魏時京
兆魚豢私撰魏略事止明帝其後孫盛撰魏氏春秋王隱
撰蜀記張勃撰吳錄異聞錯出其流竄多宋文帝以國志
載紀傷於簡略乃命中書郎裴松之兼採衆書補注其闕

由是世言三國志者以裴注為本焉

右說三國志

文章志繆襲字熙伯事魏四世多所述敘官至尚書光
祿勳

文章敘錄韋誕字仲將太僕端之子有文才善屬辭章
建安中為郡上計史特拜郎中稍遷侍中中書監太和
中為武都太守以能書留補侍中魏氏寶器銘題皆誕
書云

應璩字休璉魏文明帝世歷官散騎常侍齊王卽位稍
遷侍中典著作

建安漢獻
帝改元太
和魏明帝
改元

正元尚書
卿公改元

晉陽王沉字處道正元中侍中典著作與荀顛阮籍共
撰魏書多爲時諱未若陳壽實錄高貴鄉公將攻司馬
昭召沉及王業告之沉業白昭昭反弒公公論不齒後
沉子浚潛謀叛爲石勒所誅

阮籍字嗣宗大將軍從事中郎才藻豔逸而倜儻放蕩
行已寡欲以莊周爲模則官至步兵校尉

孫該字公達郎中著魏書

沛郡薛瑩字道言吳散騎中常侍孫皓初爲左執法遷
選曹尚書忤皓下獄徙廣州右國史華覈上疏曰大吳
受命建國南土大皇帝末年命大史令丁孚郎中項峻

始撰吳書孚峻俱非史才其所撰作不足紀錄至少帝
時更差韋曜周昭薛瑩梁竦廣及臣五人共撰立備有本
末昭廣先亡曜負恩蹈罪瑩出爲將復以過徙其書遂
委滯迄今未撰奏臣愚淺才劣適可爲瑩等記注而已
若使撰合必襲孚峻之跡懼隆大皇帝之元功損當世
之盛美瑩涉學旣博文章尤妙同寮之中瑩爲冠首是
以悽悽爲國惜之實欲使卒垂成之功編於前史之末
奏上昭遂召瑩還爲左國史吳亡入晉太康三年卒著
書八篇名曰新議

吳郡韋曜字弘嗣曜本名昭史爲晉諱改之少好學能

太康晉武
帝改元

屬文爲尚書郎遷太子中庶子孫皓卽位爲侍中常領左國史以忤皓見誅

武進華敷字永先爲祕府郎遷中書丞孫皓卽位遷東觀令領右國史天冊元年以微譴免

聞喜裴松之字世期宋太祖使注陳壽三國志松之鳩集傳紀增廣異聞旣成奏上上曰此爲不朽矣

唐志魚豢魏略五十卷王隱刪補蜀記七卷張勃吳錄三十卷

評曰史通言吳歸命侯時廣昭先亡曜瑩徙黜華敷表請曜瑩續成前史其後曜獨終其書定爲五十五卷考

鳳凰孫皓
改元

之吳志韋曜以吳鳳凰二年付獄華敷表掾不許遂誅曜後薛瑩下獄敷又掾之皓允召還吳亡瑩入晉以太康三年卒則曜誅在先瑩卒在後乃云敷表曜瑩續史曜獨終其書則曜與瑩似若竝存者而曜能終其書也且曜傳亦不列曾著吳書若干卷曜獄中上書止言作洞記四卷辯釋名一卷未言吳書又敷掾表亦言吳書已有頭角敘贊未述豈于玄別有所據邪又云曜瑩徙黜吳志瑩徙廣州曜實誅死何得竝言徙黜

晉史洛京時著作郎陸機始撰三祖紀佐著作郎束皙又撰十志會中朝喪亂其書不存先是歷陽令陳留王銓有

咸康晉成
帝收元

著述才每私錄晉書及功臣行狀未就而卒子隱博學多
文受父遺業西都事跡多所詳究過江為著作郎受詔撰
晉史為其同僚虞預所斥坐事免官家貧無資書未遂就
乃依征西將軍庾亮於武昌鎮亮給其紙墨由是獲成凡
為晉書八十九卷咸康六年始詣闕奏上隱雖好述作而
辭拙才鈍其書編次有序者皆銓所修章句混漫者必隱
所作時尚書郎領國史于寶亦撰晉紀自宣訖愍七帝五
十三年凡二十二卷其言簡略直而能婉甚為當時所稱
晉江左史自鄧粲孫盛二詔之檀道鸞已下相次繼作遠
別編記兩帝近則唯敘六朝至宋湘東太守何法盛始撰

晉中興書勒成一家首尾該備齊隱士東莞城榮緒又集
東西二史合成一書皇家貞觀中有詔以前後史十有八
家制作雖多未能盡善乃勅史官更加纂錄採正典與舊
說數十餘部兼引偽史十六國書為記十志二十列傳七
十載記三十并序例目錄合為百三十二卷自是言晉史
者皆棄其舊本競從新撰者焉

右說晉書

元城束皙字廣微晉佐著作郎撰晉書帝紀十志太康
二年汲人發冢得竹書皆隨疑分釋皆有義證所著三
魏人士傳七代通記晉書紀志遇亂亡失其五經通論

崔鴻十六
國史見後

發蒙記補亡詩文集數十篇存

陳郡王隱字處叔父銓歷陽令太興初召隱及郭璞俱爲著作郎令撰晉史時著作郎虞預私撰晉書而生長東南不知中朝事數訪於隱并借隱所著書竊寫之所聞漸廣是後更疾隱形于言色預旣蒙族交結權貴共爲朋黨以斥隱竟以謗免黜歸于家貧無資用書遂不就乃依征西將軍庾亮於武昌亮共其紙筆書乃得成詣關上之庾亮字元規晉中書令餘姚虞預字叔寧散騎常侍領著作著晉書四十餘卷會稽典錄二十篇

長沙鄧粲桓冲請爲別駕著元明紀十篇

山陰謝沉字行思何充庾冰竝稱沉有史才遷著作郎撰晉書三十餘卷著後漢書百卷

王韶之字體恭私撰晉安帝陽秋及成時人謂宜居史職除著作佐郎使續後事訖義熙九年晉安帝之崩武帝使韶之與帝左右密加酖毒武帝受命復掌宋書臧榮緒東莞莒人純篤好學括東西晉爲一書紀錄志傳百一十卷隱居京口教授

晉史十八家隋志晉書有五隱八十六卷虞預二十三卷朱鳳十卷本十四卷訖元帝謝靈運三十六卷臧榮

緒一百十卷蕭子雲十一卷本一百二卷梁有鄭忠七
卷沈約一百十一卷庾銑東晉新書七卷亡又蕭子顯
晉史草三十卷梁張緬晉書鈔三十卷張氏晉書鴻烈
六氣中興書有何法盛七十八卷晉紀有陸機四卷干
寶二十三卷曹嘉之十卷鄧粲十一卷宋劉謙之二十
五卷南史云二十卷王韶之十卷徐廣四十五卷郭季
產續五卷陽秋有習鑿齒孫盛檀道鸞之書卷又有荀
綽晉後略記五卷唐志又有晉錄五卷

貞觀二十年閏三月詔曰晉史十有八家雖存記注才
非良史書虧實錄榮緒煩而寡要行思勞而少功叔宣
味同畫餅子雲學堙涸流處叔不預於中興法盛莫通
於創業洎乎干陸曹鄧略紀帝王鸞盛廣松纔編載祀
其文旣野其事罕有延按此詔便知諸史優劣

評曰貞觀中所脩晉書前無序止云太宗文皇帝御撰
夫修史史臣職也令書果出御撰是主行臣職使不出
御撰是主掠臣美亡一可者也書後有音義三卷天寶
間左史弘農楊齊宣平衡撰凡所訓釋必求典故大爲
此書之助

宋史元嘉中著作郎何承天草創紀傳自此以外悉委奉
朝請山謙之補承天殘缺後又命裴松之續成國史松之

元嘉宋文
帝改元

孝建大明
俱宋孝武
帝改元蘇
寶山宋史
作寶生

永光宋廢
帝改元
義熙晉安
帝改元昇
明宋順帝
改元三年
宋亡
裴子野注
一卷
永明齊武
帝改元

尋卒史佐孫冲之表求別自創立為一家之言孝建初又
勅南臺侍御史蘓寶山續造諸傳元嘉名臣皆其所撰寶
山被誅大明六年又命著作郎徐爰踵成前作爰因何孫
山蘓所述勒為一書其臧質魯爽王僧達諸傳又皆孝武
自造而序事多虛難以取信自永光已後至禪讓十餘年
中闕而不載至齊著作郎沈約更補綴所遺製成雜史自
義熙肇號終乎昇明三年為紀十志三十列傳六十合百
卷名曰宋書永明末其書既行河東裴子野更刪為宋略
二十卷沈約見而歎曰吾所不逮也由是世之言宋史者
以裴略為上沈書次之

右說宋書

唐志徐爰宋書四十二卷孫嚴宋書五十八卷沈約宋
書一百卷王智深宋紀三十卷裴子野宋略二十卷鮑
衡卿宋春秋二十卷王琰宋春秋二十卷

南琅邪徐爰字長玉先是元嘉中使著作郎何承天草
創國史孝武初又使奉朝請山謙之南臺御史蘇寶生
踵成之孝建六年又以爰領著作郎使終其業爰雖因
前作而專為一家之書上表起元義熙為王業之始載
序宣力為功臣之斷於是內外博議太宰江夏王義恭
等二十五人同爰宜以義熙元年為斷散騎常侍巴陵

元興晉安
帝改元

王休若尚書金部郎檀道鸞二人謂宜以元興三年為始太學博士虞翻謂宜以開國為宋公元年詔曰項籍聖公編錄二漢前史已有成例桓玄傳宜在宋典餘如爰議

蘇寶者名寶生本寒門有文義之美元嘉中立國子學為毛詩助教為太祖所知官至南臺侍御史江寧令坐知高閹反不即啓聞與閹共伏誅

東莞臧質字含文世祖即位以質為都督江州諸軍事後同義宣謀反伏誅

壽即魏
太武

扶風魯爽小名女生爽少有武藝虜主拓跋焘知之常

瓜步在
今揚州

置左右壽始南行遣爽隨永昌王庫仁真向壽陽與弟瑜共破劉康祖於尉武仍至瓜步始得與秀歸南上大說詔爽征虜將軍司州勅史後與義宣臧質同叛伏誅琅邪王僧達大明元年遷左衛將軍領太子中庶子以歸順功封宜陵縣侯遷中書令因高閹事陷之於獄賜死

武康沈約字休文梁尚書僕射封建昌縣侯約少時常以晉無全書便有撰述意宋泰始初征西將軍蔡興宗啓明帝敕許焉踰二十年書方就凡百餘卷條流雖舉而採綴未周永明初遇盜失第五帙又齊建元四年敕

撰國史永明二年撰次起居注五年敕撰宋書六年二月畢表上之其所撰國史為齊紀二十卷天監中撰梁武紀十四卷

妳音乃乳也

沈約注本卷吳均洋

東海何承天劉宋著作佐郎撰國史承天年已老而詩佐郎竝名家年少穎川荀伯子嘲常呼為妳母承天曰卿當云鳳凰將九子妳母何言邪

齊史江淹始受詔著述以史之所難無出於志故先著十志以見其才沈約復著齊紀二十篇紀八志十一列傳四十合成五十九篇時奉朝請吳均亦表請撰齊史乞給起居注并羣臣行狀有詔齊氏故事布在流俗聞見既多可

自搜訪也均遂撰齊春秋三十篇其書稱梁帝及齊明佐命帝惡其實實詔燔之然其私本竟能與蕭氏所撰竝傳於後

右說齊書

濟陽江淹字文通齊建元二年始置史官淹與司徒左長史檀超共掌其任著齊史十志

唐志行卿作衡卿

梁史武帝時沈約與給事中周興嗣步兵校尉鮑行卿秘書監謝昊相承撰錄已有百篇值承聖淪沒竝從焚蕩廬

承聖梁元帝改元劉審注四卷

江何之元沛國劉璠以所聞見究其始末合撰梁典三十篇而紀傳之書未有其作陳祠部郎中姚察有志撰勒施

功未周但既當朝務兼修國史至於陳亡其書不就

右說梁書

陳郡周興嗣字思纂員外散騎侍郎佐撰國史興嗣兩手先患風疽又染癘疾左目盲武帝撫其手嗟曰斯人而有斯疾手疏疽方賜之所撰實錄起居注職儀等百餘卷

疽音唯
七餘切

唐志周興嗣梁皇帝實錄二卷謝吳梁皇帝實錄五卷梁太清實錄十卷鮑行卿乘輿飛龍記二卷謝吳梁典三十九卷劉璠梁典三十卷何之元梁典三十卷

陳史初有吳郡顧野王北地傳緯各為撰史學士其武文

太建陳宣
帝改元

二帝紀即顧傳所修太建初中書郎陸瓊續撰諸篇事傷煩雜姚察就加刪改粗有條貫及江東不守持以入關隋文帝常索梁陳事跡察具以所成每篇續奏而依違荏苒竟未絕筆皇家貞觀初其子思廉為著作郎奏詔撰成二史於是憑其舊藁加以新錄彌歷九載方始畢功述為梁書五十六卷陳書三十六卷今並行世焉

右說陳書

靈州傅縡音字宜事陳文帝召為撰史學士後主賜死

獄中

吳郡顧野王字希馮陳天嘉中敕補撰史學士太建中

天嘉陳文
帝改元

領大著作掌國史知梁史事撰通史要略一百卷國史紀傳二百卷未就而卒

未定陳武帝改元至德陳後主改元

吳郡陸瓊字伯玉太建中領大著作撰國史初瓊父雲公奉梁武勅撰嘉瑞記瓊述其旨而續焉自永定訖于至德勒成一家言遷吏部尚書著作如故

武康姚察字伯審尚書徐陵領大著作引為史佐陳亡入隋授祕書丞別敕成梁陳二史未畢文帝遣舍人虞世基索本且進臨亡戒子思廉撰續思廉在陳為法曹參軍

十六國史前趙劉聰時領在國史公師或撰高祖本紀及

建興慕容垂改元

功臣傳二十人甚得良史之體凌修諧其訛謗先帝聰怒而誅之劉曜時平輿子和苞譔趙記十篇事止當年不終曜滅後趙石勒命其臣徐光宗歷傳暢郭悛等撰上黨國記起居注趙書其後又令王蘭陳宴程陰徐機等相次撰述至石虎竝令刊削使勒功業不傳其後燕太傅長史田融宋尚書庫部郎郭仲產北中郎參軍王度追撰石事集鄴都記趙記等書前燕有起居注杜輔全錄以為燕紀後建興元年董統受詔草創後書著本紀并佐命功臣王公列傳合三十卷慕容垂稱其敘事富贍足成一家之言但褒述過美有慙董史之直其後申秀范亨各取前後二燕

名疑索綬
著前涼錄

劉昞即延明

合成一史南燕有趙郡王景暉嘗事德超撰二主起居注
超亡仕於馮氏官至中書令仍撰南燕錄六卷蜀初號曰
成後改稱漢李勢散騎常侍常璩撰漢書十卷後入晉秘
閣改為蜀書璩又撰華陽國志具記李氏興滅前涼張駿
十五年命其西曹邊澗集內外事以付秀才索綬作涼國
春秋五十卷又張仲華護軍叅軍劉慶在東苑專修國史
二十餘年著涼記十二卷建康太守索暉從事中郎劉昞
又著涼書前秦史官初有趙淵車敬梁熙韋譚相繼著
述苻堅嘗取而觀之見苟太后幸李威事怒而焚滅其本
後著作郎董誼追錄舊語十不一存及宋武帝入關曾訪

仇池岩名

真興夏赫
連勃勃改
元承光夏
赫連昌改
元

呂氏呂光
馮氏馮跋

秦國事又命梁州刺史吉翰問諸仇池竝無所獲先是秦
秘書郎趙整叅撰國史值秦滅隱於南洛山著書不輟有
馮翊車頰助其經費整卒翰乃啓頰纂成其書以元嘉九
年起至二十八年方罷定為三卷而年月失次首尾不倫
河東裴景仁又正其訛僻剛為秦記十一篇後秦扶風馬
僧虔河東衙隆景竝著秦史及姚氏之滅殘缺者多泓從
弟和都仕魏為左氏尚書又追撰秦紀十卷夏天水趙思
羣北地張淵於真興承光世竝受命著其國書及統萬之
亡多見焚燒西涼與西秦北燕其史或當代所書或他邦
所錄段龜龍記呂氏宗欽記禿髮氏韓顯宗記呂馮氏唯

景明至始
皆魏主恪
改元永安
魏主帝攸
改元

此三者可知自餘不詳推作魏世黃門侍郎崔鴻乃考覈
眾家辨其同異除煩補闕錯綜綱紀易其國書曰錄正紀
曰傳都謂之十六國春秋鴻始以景明之初求諸國逸史
逮至始元年鳩集稽備而已猶闕蜀事不果成書推求十
有五年始於江東購獲乃增其篇目勒為十卷鴻歿後永
安中其子繕寫奏上請藏諸秘閣由是偽史宣布大行於
時

右說十六國春秋

唐藝文志常璩華陽國志十三卷又漢書十卷蜀季書
九卷和苞漢趙紀十四卷田融趙石紀二十卷又二石

歲音快

紀二十卷符朝雜記一卷王度隨齋二石偽事六卷二
石書十卷范亨燕書二十卷王景暉南燕錄六卷張銓
南燕書十卷高閭燕志十卷段龜龍涼記十卷西河記
二卷張諮涼記十卷劉昞涼書十卷又燉煌實錄二十
卷裴景仁秦記十一卷杜惠明注拓拔涼錄十卷桓玄偽事
二卷鄴洛鼎峙記十卷守節先生天啓紀十卷崔鴻十
六國春秋一百二十卷蕭方等三十國春秋三十卷李
粲戰國春秋二十卷蔡允恭後梁春秋十卷武敏之三
十國春秋一百卷右偽史類一十七家二十七部五百
四十二卷失姓名三家

太興晉元
帝改元

咸和咸康
晉成帝改
元

劉聰字玄明漢劉淵第四子也十五月而生永嘉四年
僭號劉曜字永明淵族子太興元年僭號國號趙石勒
擒而殺之

石勒字世龍上黨武鄉羯人太興二年僞稱趙王咸和
五年僭號趙天王石虎字季龍勒從子也弒勒子弘以
咸康三年僭號

傅暢晉司徒祗子也祗守三渚病卒城陷劉聰贈祗太
保謂祗子暢曰尊公雖不達天命然各忠其主吾亦亮
之卿知漢德弘曠不暢曰陛下每嘉先臣不以小臣而
虧其忠節是恩也自是明主伐國弔人之義臣輒同萬

物未敢謝生於自然

評曰石勒載記勒趙王元年傅暢杜嘏為經學祭酒任
播崔濟為史學祭酒命記室佐明楷程機撰上黨國記
中大夫傅彪賈蒲江軌撰大將軍起居注參軍石泰石
同石謙孔隆撰大單于志徐光為中書令領秘書監皆
有關史事而史通未詳載當別有所考

趙書徐光字季武頓丘人年十四五為將軍王陽秣馬
光但書馬屋柱為詩不親馬事

涼州張寔傳曾遣和苞帥兵掠南陽王保則苞亦曾事
張氏劉曜時苞為侍中上諫與作疏曜納之封平輿子

永和晉穆
帝改元

太元晉孝
武改元

領諫議大夫

張駿字公庭軌之子拜涼州牧子重華字泰臨永和二年自稱假涼王

慕容垂字道明皝第五子以太元十一年僭卽位號後燕慕容德字玄明皝少子魏師入中山慕容寶出奔三薊慕容詳又僭號會劉藻自姚興而至與太史令高魯遣其甥王景暉隨藻送王璽一紐并圖讖秘文曰有德者昌無德者亡德受天命柔而復剛因勸德卽尊號德卒傳位於超超字祖明德兄子爲劉裕所滅
李勢字子仁壽之長子也嗣僞位於成都後爲晉滅

苻堅母少寡將軍李威有辟陽之寵史官載之至是堅收起居注及著作錄而觀之見其事慚怒及焚其書而大檢史官將加其罪著作郎趙泉車敬等已死乃止

避唐高
諱改泉

苻堅分氏戶於諸鎮秘書郎趙整因侍援琴而歌曰阿得脂阿得脂博勞舊父是雛綬尾長翼短不能飛遠徙種人留鮮卑一旦緩急語阿誰堅笑而不納

姚泓字元子興之長子也以義熙十二年僭卽帝位後爲晉滅

吉翰字休文馮翊池陽人

義熙晉安
帝改元

仇池山在鞏昌府成縣西北一百里四面壁立峭絕險固自然有樓櫓却敵狀上有平地方二十餘里羊腸盤道三十六迴有豐水煮土成鹽

段龜龍涼州記曰呂纂咸寧三年胡人發張駿冢得玉簫玉笛

赫連勃勃以叱于阿利領將作大匠發嶺北夷夏十萬人於朔方水北黑水之南營起都城勃勃自言朕乃統一天下君臨萬邦可以統萬為名

崔鴻字彥鸞光從子也魏正光元年前將軍脩孝文宣武起居注光撰魏史未就每云此史會非我世所成但

正光魏孝
明帝改元

須記錄時以待後人臨夢言鴻於孝明五年詔鴻以本官脩緝國史未有所就尋卒鴻見晉魏前史皆成一家無所措意以劉元海石勒慕容儁苻健慕容垂姚萇慕容德赫連屈子張軌李雄呂光乞伏國仁禿髮烏孤李暠沮渠蒙遜馮跋等竝因世故跨僭一國乃撰為十六國春秋勒成百卷因其舊記時有增損褒貶焉

元魏史道武時始令鄧淵著國記為十卷而條例未成暨乎明元廢而不述神麌二年又詔集諸文士崔浩浩弟覽

高閭鄧穎晁維范亨黃輔等撰國書為十卷又特命浩總監史任務從實錄復以中書郎高允散騎侍郎張偉竝參

道武名珪
魏太祖明
元名嗣珪
之子也
神麌魏太
武改元
鹿如言加

文成名溶
大武孫也

孝文名宏
獻文帝弘
子也

孝明名詡
魏主恪子
也

著作續成前史書敘述國事無隱惡而刊石寫之以示行
路浩坐此夷三族同作死者百二十八人自是遂廢史官
至文成帝和平元年始復其職而以高允典著作修國記
允年已九十手目俱衰時有校書郎中劉模長於緝綴乃
命執筆而口占授之如是者五六歲所成篇卷模有力焉
初國記自鄧崔以下皆相承作編年體至孝文大和十一
年詔秘書丞李彪著作郎崔光始分爲紀傳異科宣武時
命邢巒追撰孝文起居注既而崔光遵業補續下訖孝明
之世溫子昇復修孝武紀濟陰王暉業撰辨宗室錄魏史
官私所撰盡於斯矣齊天寶二年勅秘書監魏收博採舊

孝靖名善
見高洋廢
爲中山王
尋弒之

聞勒成一史又令刁柔辛元植方延祐睦仲讓裴昂之高
孝幹等助其編次收所取史官懼相凌忽故刁辛諸子竝
乏史才唯以髣髴學流憑附得進於是大徵百家譜狀斟
酌以成魏書上自道武下終孝靖紀傳與志凡百三十卷
收諂齊氏於魏室多不平旣黨北朝又厚誣江左性憎勝
已喜念舊惡甲門盛德與之有怨者莫不被以醜言沒其
善事遷怒所至毀及高曾書成始奏詔收於尚書省與諸
家論討前後列訴者百有餘人時尚書令楊遵彥一代貴
臣勢傾朝野收傳其家傳甚美是以深被黨援諸訟史者
皆獲重罰或斃於獄中羣怨謗聲不息孝昭世勅收更加

孝昭高演

研審然後宣布於外書成嘗訪諸羣臣猶云不實又令治改其所變易甚多由是世薄其書號爲穢史至隋開皇勅著作郎魏淡與顏之推辛德源更撰魏書矯正收失淡以西魏爲真東魏爲僞故文恭列紀孝靖稱傳合紀傳論例總九十二篇煬帝以澹書猶未能善又勅左僕射楊素別撰學士潘徽褚亮歐陽詢等佐之會素薨而止今世稱魏史者猶以收本爲主焉

右說後魏書

河東崔浩字伯深魏司徒總理史務以待郎高允張偉參著作續成前紀至於褒貶折衷浩所摠焉浩又以晉

書多誤著晉後書未就傳世者五十餘卷初道武詔秘書郎鄧彥海著國記十餘卷體例未成神麌二年詔集諸文人撫錄國書浩及弟覽高謙鄧穎晁繼范享黃輔等共參著作敘國書三十卷著作令史太原閔堪趙郡郟標素諂事浩乃請立石銘載國書以彰執筆浩書國事備而不典而石銘顯在衢路北人咸悉忿毒相與構浩帝大怒誅浩范享一作亨安定鄧穎彥海子也官中書侍郎

高允字伯恭渤海蓊人神麌四年與盧玄等俱被徵拜中書博士領著作郎與司徒崔浩述成國記拜中書令

雖久典史事然不能專勤屬述時與校書郎劉模有所
緝綴大較依續崔浩故事準春秋體而時有刻正自文
成迤于獻文軍國書檄多允作也

信都劉模高允撰國記選爲校書郎常令模持管籥每
日同入史閣接膝對筵屬述時事允年已九十手目稍
衰多遣模執筆而占授裁斷之如此者五六歲允所成
篇卷模預有功

太原張偉字仲業魏太武時與高允等同召累遷中書
侍郎

楊愔字遵彥華陰人北齊尚書令開封王忠而被誅人

皆寃之

元暉業魏宗室齊陰王孫也紹封王魏亡入齊降美陽
縣公撰魏藩王家世名辨宗錄四十卷文宣忌而殺之
臨刑神色自若

雍奴高閭字閭士少好學爲車子送祖至平城脩刺詣
崔浩浩與語奇之閭本名驢浩乃改爲閭而字焉由是
知名和平末爲中書侍郎高允舉以自代遂爲獻文所
知參論政事詔令書檄碑銘贊頌皆其文也宣武踐阼
詔授光祿大夫與高允稱二高

頓丘李彪字道固魏孝文初爲祕書丞叅著作事自崔

和半魏主
濟改元

浩高允著述國書編年爲春秋體遺落時事彪與秘書
令高祐始奏從遷固體創爲記傳表志之目帝謂僕射
李冲曰崔光之博李彪之直是我國得賢之基後除名
會赦得免宣武踐阼彪與王肅郭祚崔光劉芳甄琛邢
巒等善求復舊職彪乃表曰故著作漁陽傅毗北平陽
尼河間邢產廣平宋弁昌黎韓顯宗竝舉注述登年不
未前著作程靈虯同時應舉今徙他職官非所司唯著
作崔光一人雖不移任然侍官兩兼故載述致闕今乞
一靜處綜理國籍以終前志詔彪兼通直散騎常侍彪
在秘書歲餘史業竟未及就然區分書體皆彪之功

太和魏孝
文帝宏改
元

清河崔光本名孝伯字長仁孝文賜名焉拜著作郎與
秘書丞李彪參撰國書太和末彪解著作光專史事宣
武居諒闇彪上表求成魏書詔許之彪遂以白衣於秘
書省著述光以彪意在專功表解著作讓彪宣武不許
河間邢巒字洪賓博覽書傳有文才幹略元魏殿中尚
書

天保齊文
宣改元

勃海刁柔字子溫齊天保初博士魏收撰魏史啓柔等
同事柔性專固自是收常嫌憚且志在偏黨魏書中與
有連者竝虛美過實爲時論所譏

太原溫子昇字鵬舉歸魏爲郎中脩起居注高澄引爲

諮議及元瑾劉思逸荀濟等謀誅澄澄疑子昇與謀方使之作神武碑文既成乃餓諸晉陽獄食弊襦而死棄屍路隅沒其家口長史宋游道收葬之又集其文三十五卷

臨沂顏之推字介世善周官左氏仕梁梁亡奔齊齊亡入周周亡入隋太子召為文學撰家訓二十篇

狄道辛德源字孝基隋牛弘奏與王劭同脩國史德源撰集注春秋三傳三十卷注揚子法言二十三卷

錢塘褚亮字希明隋東宮學士坐與楊玄感善貶西海司戶時博士潘徽貶威定主簿亮與俱至隴山徽死為

歛瘞人皆義之貞觀中遷散騎常侍

臨湘歐陽詢字信本初倣王羲之書後險勁過之貞觀初歷太子率更令弘文館學士

天統齊後
主高緯改
元獻武即
高歡后改
神武文宣
高洋謚也

高齊史天統初太常少卿祖孝徵述獻武起居名曰黃初

傳天錄時中書侍郎陸元規常從文宣征討著皇帝實錄

惟記行師不載它事自武平後史官陽休之杜臺卿祖崇

儒崔子發等相繼注記逮於齊滅隋秘書監王劭內令史

李德林竝少仕鄴中多識故事王乃憑述起居注廣以所

聞造編年書號曰齊志十有六卷志序云三十卷今世間傳者唯十六卷焉李

在齊預修國史創紀傳書二十七卷至開皇初奉詔續撰

增多齊史三十八篇已上送官藏之秘府皇家貞觀初勅其子中書舍人百藥仍其舊錄雜採它書演爲五十卷今之言齊史者唯王李二家云

右說北齊書

范陽祖珽字孝徵西齊著作郎欲以代魏收主簿李若聞而告人曰詔誥悉歸陽子烈著作復遣祖孝徵文史頓失恐魏公發背珽既盲拜尚書左僕射監國史與和士開穆提婆表裏爲姦

祖崇儒珽族弟也涉學有辭少以幹局知名武平末通直常侍入周爲容昌郡太守入隋終宕州長史

陸元規高齊中書侍郎後以應對忤旨被配甲坊

無終陽休之字子烈齊太尉記室參軍李神儁監起居

注啓休之與河東裴伯茂范陽盧元伯河間邢子才俱

入撰次普泰中與魏收李同軌等脩國史

曲陽杜臺卿字少山齊中書侍郎脩國史隋開皇初采

月令觸類廣之爲書名玉燭寶典十二卷拜著作郎撰

齊記二十卷

博陵李德林字公輔齊中書侍郎詔脩國史時齊帝留

情文雅召與顏之推同判文林館事累遷儀同三司周

武帝平齊遣使就宅宣旨云平齊之利惟在於爾入隋

普泰魏節
閔帝恭改
元

與太尉于翼高頴等同脩律令子百藥字重規幼多病
祖母趙以百藥名之開皇初授學士貞觀二年除禮部
侍郎撰齊史百藥子安期貞觀初爲符璽郎高宗卽位
遷中書舍人尋檢校東臺侍郎自德林至安期三世掌
制誥孫義仲又爲中書舍人

困學紀聞伐吳之役利獲二俊張華之稱陸機雲也平
齊之利唯在於爾周高祖之諭李德林也機雲於河橋
之役與王師爲敵其不忠大矣德林願以死奉楊堅復
以所事齊者事周矣二國何利焉是以持國必崇名節
持身必守行誼

宇文周史大統有秘書丞柳虬兼領著作直辭正色事有
可稱至隋開皇中秘書監牛弘追撰周紀十有八篇略敘
紀綱仍皆抵忤皇家貞觀初勅秘書丞命狐德恭爲書郎
岑文本共加修緝定爲周書五十卷

右說後周書

通考晁氏曰周書五十卷唐令狐德恭等撰本紀八列
傳四十二初周有柳蚪隋牛弘各有撰次率多抵牾貞
觀中德恭請撰次乃詔與陳叔達唐儉共成之先是蘇
綽秉周政軍國詞令多准尚書牛弘爲史志務清言德
恭因之以成是書故多非實錄宋仁宗時出太清樓本

合史館秘閣本又募天下書而取夏竦李巽家本下館
閣正其文字其後林希王安國上之

宜州令狐德棻武德初秘書丞建言近代無正史帝詔
中書令蕭瑀給事中王敬業著作郎殷聞禮主魏中書
令封德彝舍人顏師古主隋大理卿崔善為中書舍人
孔紹安太子洗馬蕭德言主梁太子詹事裴矩吏部郎
中祖孝孫秘書丞魏徵主齊秘書監竇璡給事中歐陽
詢文學姚思廉主陳侍中陳叔達太史令庾儉及德棻
主周整振論譏多歷年不就罷之貞觀三年復詔撰定
議者以魏有魏收魏澹二家書為已詳惟五家史當立

德棻更與秘書郎岑文本殿中侍御史岑仁師次周史
中書舍人李百藥次齊史著作郎姚思廉次梁陳二史
秘書監魏徵次隋史左僕射房玄齡總監脩撰原自德
棻發之書成遷禮部侍郎兼脩國史

鄧州岑文本字景仁唐秘書郎中書令

隋史當開皇仁壽時王劭為書十八卷以類相從定其篇
目至於編年紀傳竝闕其體煬帝世唯有王胄等所修大
業起居注及江都之禍仍多散逸皇家貞觀初勅中書侍
郎顏師古給事中孔穎達共撰成隋書五十五卷與新撰
周史竝行於時初太宗以梁陳及齊周隋氏竝未有書仍

李延壽注
一卷

命學士分修事具於上仍使秘書監魏徵總知其務凡有
讚論徵多預焉始以貞觀三年創造至十八年方就唯姚思廉
貞觀二年起功多於諸史一歲合為五代紀傳并目錄凡二百五十二卷
書成下於史閣唯有十志斷為三十卷尋擬續奏未有其
文又詔左僕射于志寧太史令李淳風著作郎韋安仁符
璽郎李延壽同撰其先撰史人唯令狐德棻重預其事太
宗崩後刊勒始成其篇第雖編入隋書其實別行俗呼為
五代史志

右說隋書

評曰通考晁氏云隋文帝命顏之推等別修魏史唐貞

觀中陳叔達亦作五代史皆不傳獨收書在宋命劉恕
等校正陳氏云隋文帝命魏澹等更撰魏書九十二卷
今皆不傳而收書獨行中興書目謂所闕太宗紀以澹
補之闕志以張太素書補之二書既亡惟此紀志獨存
崇文摠目云世以收史為主故澹書亡闕夫既稱穢史
矣乃穢者獨存而世以穢者為主意其中必有一段不
可磨滅者當時之愛憎豈盡足馮邪

臨沂王胄字承基隋著作佐郎文詞為煬帝所重

魏州魏徵字玄成唐秘書監檢校侍中著隋書

京兆顏師古字籀唐中書侍郎太宗嘗歎五經去聖遠

傳習寢訛詔師古於秘書省考定多所釐正為太子承
乾注班固漢書人謂杜征南顏秘書為左班忠臣所注
漢書急就章大顯

冀州孔穎達字仲達拜祭酒初穎達與顏師古司馬才
章王恭王琰受詔撰五經義訓凡百餘篇永徽二年于
志寧張行成高季輔就加增損書始布

通考晁氏曰隋書八十五卷唐魏徵等撰紀五列傳五
十五長孫無忌等撰志三十初詔顏師古孔穎達脩述
徵總其事序論皆徵自作復又詔于志寧李淳風韋安
仁李延壽同脩五代史志無忌上之詔編第八隋書人

亦號五代史志天文律曆五行三志淳風獨作陳氏曰
十志高宗時始成上總梁陳齊周之事俗號五代志
岐州李淳風以將士郎直太史局遷太常博士改太史
丞與諸儒脩書遷為令

惟大唐之受命也義寧武德間工部尚書溫大雅首撰創
業起居注三篇自是司空房玄齡給事中許敬宗著作佐
郎敬播相與自立編年體號為實錄迄乎三帝世有其書
貞觀初姚思廉始撰紀傳粗成三十卷至顯慶元年太尉
長孫無忌與于志寧令狐德棻著作郎劉胤之楊仁卿起
居郎顧胤等因其舊作綴以後事復為五十卷雖云繁雜

義寧隋恭
帝改元武
德唐高祖
改元
許敬宗敬
播顧胤注
十一卷

永徽顯慶
龍朔弘道
俱高宗改
元

長壽武后
改元

時有可觀龍朔中敬宗又以太子少卿總統史任更增前
作混成百卷如高宗本紀及永徽名臣四夷等傳多是其
所造又起草十志未半而終敬宗所作紀傳或曲希時旨
或猥釋私憾凡有毀譽多非實錄必方諸魏伯起亦猶張
衡之蔡邕焉其後左史李仁實續撰于志寧許敬宗李義
府等傳載言紀事見推直筆惜其短歲功業未終至長壽
中春官侍郎牛鳳及又斷自武德終于弘道撰爲唐書百
有十卷鳳及以暗聾不才而輒議一代大典凡所纂錄皆
素貴私家行狀而世人敘事罕能自達或言皆比興全類
咏訶或語多鄙樸實同文案而總入編次了無釐革其有

朱敬則徐
堅且兢注
十卷

出自胷臆申其機行發言則嗤鄙怪誕敘事則參差倒錯
故閱其篇第豈謂可觀披其章句不識所以旣而悉收姚
許諸本欲使其書獨行由是皇家舊事殘缺殆盡長安中
余與正諫大夫朱敬則司封郎中徐堅左拾遺吳兢奉詔
更撰唐書勒成八十卷神龍元年又與兢等重修則天實
錄編爲二十卷夫舊史之壞其亂如繩錯綜艱難暮月方
畢雖言無可擇事多遺恨庶將來削彙猶有憑焉大抵自
古史臣撰錄其梗槩如此蓋屬詞比事以月繫年爲史氏
之根本作生人之耳目者略盡於斯矣自餘編記小說則
不暇具而論之

晁氏曰唐創業起居注五卷唐黃門侍郎温大雅彦弘撰紀高祖建義至受隋禪用師符讖受命典冊事大雅并州祁人

臨淄房玄齡字喬尚書左僕射監脩國史

姚思廉本名簡以字行陳尚書察之子察在陳嘗脩梁陳二史未就思廉續之煬帝又詔與起居舍人崔祖濬脩區寓圖志改著作郎弘文館學士詔與魏徵共撰梁陳書思廉采謝昊顧野王等諸家言推究綜括爲梁陳二家史以卒父業

唐志乙部史錄十三類一曰正史類七十家九十部四

韻音因

千八十五卷失姓名二家始於司馬遷史記終於隋書

志又有集史摠七十三家六十九部見後司馬氏史記有裴駟徐廣鄒誕

生許子儒劉伯莊之音解班氏漢書有服虔應劭諸葛

亮孟康晉灼韋昭崔浩孔文祥劉嗣夏侯詵包愷蕭該

陰景倫項岱劉寶陸澄韋稜姚察顏游秦僧務靜李善

顧胤顏師古之音注論駁及高宗之銓定失姓名正名

氏義英華二家東漢則有劉珍謝承薛瑩司馬彪劉義


慶華嶠謝沈袁山松范曄張瑩之書劉昭劉熙蕭該劉

芳臧兢太子賢韋機之備注音義三國有王沉陳壽韋昭晉有王隱虞預朱鳳謝靈運臧榮緒于寶蕭子雲何

法盛及房玄齡等所修宋有徐爰孫嚴沈約王智深齊
梁陳有蕭子顯劉劭謝昊姚察顧野王傅縡姚思廉元
魏北齊周隋有魏收魏澹李德林王劭張大素李百藥
令狐德棻顏師古等不著錄者王元感至裴安時二十
三家一千七百九十卷史記之學則有王元感徐堅李
鎮陳伯宣韓琬司馬禎劉伯莊張守節竇羣裴安時漢
書之學則劉伯莊敬播元懷景姚瑱沈遵李善晉書音
注則徐堅高希嶠何超及齊梁陳周隋之史武德貞觀
兩朝史吳兢等唐書國史至裴安時元魏書終焉延按
史通此卷目曰古今正史則自馬遷至唐正史作者悉

備此條故附卷末以備參考

第十二卷終



一三

卷三

景

